



Broj: 01-235/18
Vareš, 29.11. 2018. godine

Na osnovu člana 8. stav 3. tačka 31. i 37. Zakona o principima lokalne samouprave („Sl. novine Federacije BiH“, broj 49/06 i 51/09), člana 28. stav 4. Zakona o zaštiti i dobrobiti životinja („Sl. glasnik BiH“, broj 25/09), i člana 22. Statuta Općine Vareš-Prečišćen tekst, broj: 01-162/12 od 11.09.2012. godine, Općinsko vijeće Vareš, na 21. sjednici održanoj 29.11. 2018. godine, d a j e

S A G L A S N O S T

Član 1.

DA OPĆINA VAREŠ može u cilju zaštite zdravlja, bezbjednosti građana, kao i zaštite napuštenih i izgubljenih pasa, osnovati privremeno sklonište za područje općine Vareš, na lokalitetu „Kota“, s lijeve strane od ulaza na deponiju, na dijelu zemljišta označenog kao k.č. broj 1054/5 k.o. Pogar što po starom premjeru odgovara parceli broj 1581/426 k.o. Vareš.

Član 2.

Općina Vareš će nakon osiguranja privremenog skloništa na lokaciji iz člana 1., pokrenuti postupak izrade tehničke dokumentacije u skladu sa odredbama Zakona o prostornom uređenju a pod uslovima propisanim Pravilnikom o osnivanju i uslovima koje moraju ispunjavati skloništa za smještaj životinja.

Član 3.

Općinsko vijeće Vareš će u skladu sa odredbama Zakona o zaštiti i dobrobiti životinja pristupiti izradi prijedloga Odluke o osnivanju i organizaciji skloništa, propisati upravljanje skloništem, finansiranje i nadzor.

PREDSJEDAVAJUĆI
OPĆINSKOG VIJEĆA

Adis Čizmo

O b r a z l o ž e n j e

Pravni osnov:

Stupanjem na snagu Zakona o zaštiti i dobrobiti životinja („Službeni glasnik BiH“, broj 25/09), postojala je zakonska obaveza da se moraju osnovati skloništa i higijenski servisi za napuštene životinje.

Stupanjem na snagu ovog zakona, prethodno pravovremeno nisu stvoreni uslovi za njegovu implementaciju, nije se pristupilo osiguranju sredstava za ovu namjenu, nije se radilo na izradi projektne dokumentacije kao ni osigurala sredstva u budžetu kao ni odredila lokacije za izgradnju skloništa.

Kako je u posljednju godinu dana učestalo napadanje djece i ostalih građana, što izaziva ozbiljan problem na području naše općine, radi što hitnijeg smještaja kojim bi se napušteni psi što prije smjestili, putem Službe za prostorno uređenje prišlo se traženju i iznalaženju što povoljnije lokacije za ovu namjenu, budući da se moralo voditi računa o pristupačnosti lokacije putnoj komunikaciji, udaljenosti od naseljenog mjesta, struja, voda i ostalo što je propisano Zakonom i pod-zakonskim aktima, iz kojih razloga kao najpovoljnija lokacija određeno je zemljište koje se nalazi na lokalitetu „Kota“ i to sa lijeve strane od ulaza na deponiju, odnosno do dijela zemljišta koje je pod šumom.

Da bih pristupili izgradnji skloništa i pripremi potrebnih dozvola, predlaže se Općinskom vijeću Vareš, da se očituje o predloženom prijedlogu.

Predlagač
OPĆINSKI NAČELNIK

Zdravko Marošević